

52. Decretalis ejusdem relata in c. *Cum olim* 18, declarantis Abbatem in Ecclesiis intra diœcesim præscribere posse jura Episcopalia, et inter cætera hic enumerata:—1.º Ordinationem Clericorum, abrogata est *sess. 23. c. 10. de ref.* in sensu et terminis, ut infra nu. 169.—2.º Pœnitentiam, id est, jus absolventi à casibus Episcopo reservatis, abrogata est *Sess. 14. de Sacr. pœnit. c. 7. de Casib. reserv.*, si agatur de Abbâtibus, et inferioribus Prælatibus qui non sunt in statu nullius diœc.

53. Decretali ejusdem relatæ in cap. *Veniens* 19, statuentis præscribi posse à Prælato inferiori jus dimittendi suos subditos ad quem maluerint catholicum Antistitem, derogatum est ut infra n. 169.

TIT. XXVII.—DE SENTENTIA ET RE JUDICATA.

54. Decretalis ejusdem relatæ in cap. *Cum inter* 13, decernentis inter alia, Abbatem in Ecclesiis sibi pleno jure subjectis posse initiare prima Tonsura nedùm monachos sibi subditos, sed etiam sæculares, in quos habet ordinariam et quasi Episcopalem jurisdictionem, derogatum est *sess. 23. cap. 10. in sensu et terminis*, ut infra n. 169.

TIT. XXVIII.—DE APPELLATIONIBUS

55. Decretalis Alex. III. relata in cap. *De appellationibus* 11, permittentis appellationem à qualibet interlocutoria sententia, et quovis gravamine, moderata est *sess. 13. cap. 1. et sess. 24. cap. 10. et 20. de refor.*, prohibente conformiter ad jus civile appellationem ab interlocutoria, nisi habeat vim definitivæ, vel ejus gravamen per appellationem à definitiva reparari nequeat.

56. Decretalis ejusdem relata in cap. *Super eo* 12, idem permittentis, moderata est ut supra.

57. Decretalis ejusdem relata in cap. *Pervenit* 28, statuentis, ut infra n. 60, moderata est ut ibi.

58. Decretalis Innoc. III. relatæ in cap. *Constitutus* 43, denegantis appellationem ab irrationabili judicio examinatorum synodali in concursu ad parochiales, derogatum est *sess. 24. c. 18. de ref.* hanc admittente modo ibi præscripto.

IN SEXTO.

59. Decretalis Innoc. IV. relata in cap. *Cordi* 1, permittentis appellationem, ut supra n. 53, moderata est ut ibi.

## ELENCHUS III

Decretalium ampliatarum a S. Concilio Tridentino.

### LIBER PRIMUS.

TIT. III.—DE RESCRIPTIS.—IN SEXTO.

1. Decretalis Bonif. VIII. relata in cap. *Statutum* 11, præcipientis §. 1. causas committendas à sancta Sede vel ejus legato, committi debere obtinentibus dignitatem, vel Canonicatum, in Ecclesia cathedrali, ampliata est *sess. 25. c. 10. de reform.* mandante, ulterius hos designandos esse à synodo provinciali vel diœcesana, numero saltèm quatuor, ex quibus uno mortuo, aut alias deficiente, alius subrogetur vel in proxima synodo, vel ab Episcopo cum consilio capituli; ita ut delegationes quæcumque aliis factæ subreptitiæ censeantur.

IN CLEMENTINIS.

2. Decretalis Clem. V. relata in cap. *Et si* 2, statuentis causarum commissiones, de quibus supra, committi posse Vicario generali Episcopi, vel etiam regulari habeat conventualem prioratum, ampliata est, ut supra.

TIT. IV.—DE CONSUETUDINE.

3. Decretalis Innoc. III. relata in c. *Quanto* 4, statuentis consuetudinem non posse operari, ut Clericus non Episcopus possit exercere quæ sunt ordini Episcopali reservata, ampliata est *sess. 7. can. 3. de confirmat.*, infligente ulterius excommunicationem latæ sententiæ in contrarium asserentes.

TIT. XI.—DE TEMPOR. ORDINAT.—IN SEXTO.

4. Decretalis Greg. X. relata in cap. *Eos, qui* 2, infligentis pœnam suspensionis per annum à collatione Ordinum in præsumptem scienter, seu affectata ignorantia, vel quocumque alio quæsito figmento ordinare Clericos alienæ diœcesis sine dimissorialibus, aut licentia suorum Ordinariorum, et statuentis sic ordinatos ligare pœnis à jure statutis, ampliata est *sess. 6. c. 5. et sess. 23. c. 8. de reform.*, declarante ordinantem dictam pœnam ipso facto incurrere, etiam citra præsumptionem; et sic ordinatos, tam in minoribus quàm in sacris, ipso facto incurrere suspensionem ab executione Ordinum susceptorum, arbitrio proprii Ordinarii duraturam.

5. Circa simoniacè Ordinantes, et Ordinatos, vide Constit. 4. Pii V. *Cùm*, 1 April. 1566, Coast. Sixti V. *Sanctum* 5 Jan. 1588, Const. Clem. VIII. *Romanum*. 28 Feb. 1595, et Const. Bened. XIV. *Pastor Bonus*. 13 April. 1744.

6. Decretalis Bonif. VIII. relata in c. *Nullus* 4, prohibentis infantem initiari prima tonsura, nisi religionem intret, ampliata est sess. 23. c. 4. *de reform.*, præcipiente ulterius neminem ea initiandum, nisi præter alia requisita Confirmationis sacramentum susceperit. Nulla tamen ibi infligitur censura, si secùs fiat.

TIT. XVII.—DE FILIIS PRESBYTERORUM.

7. Decretalis Alex. III. relata in cap. *Ad præsentiam* 2, prohibentis filio sacerdotis illegitimo retentionem beneficii in eadem Ecclesia, in qua pater ministravit, ampliata est sess. 25. c. 15. *de reform.* hanc prohibitionem extendente ad filium illegitimum cujuscumque Clerici: prohibente insuper, ne in eadem Ecclesia quoquo modo ministret, et pensiones obtineat super beneficio, quod pater habet, vel obtinuit.

TIT. XXXI.—DE OFFIC. JUDIC. ORDINAR.—IN SEXTO.

8. Decretalis Greg. X. relata in cap. *Ordinarii* 3. statuentis, ne plura incompatibilia beneficia in primo genere à legitimis collatoribus tamquam vacantia conferantur, nisi ea oblinentes ostendat Ordinariis dispensationem Apostolicam pro eorum retentione intra tempus ab iisdem Ordinariis assignandum, ampliata est sess. 7. cap. 5. *de reform.* idem decernente quoad beneficia incompatibilia in secundo genere.

ELENCHUS IV

Decretalium a S. Concilio Tridentino speciatim innovatarum,

LIBER PRIMUS.

TIT. III.—DE RESCRIPTIS IN SEXTO.

1. Decretalis Bonif. VIII. relata in c. *Statutum* 41, præcipientis ut suprâ *Elencho* III. n. 4. innovata est, cum ampliacione, ut ibi.

TIT. VI.—DE ELECTIONE, ET ELECTI POTESTATE.

2. Decretalis Alex. III. relata in cap. *Cùm in cunctis* 7, statuentis non assumendos ad Episcopatum, nisi natos ex legitimo matrimonio, et dignos scientia, moribus, ac ætate triginta annorum completorum, innovata est sess. 7. c. 4. et sess. 24. cap. 12. *de reform.*

IN SEXTO.

3. Decretalis Greg. X. relata in cap. *Licet can.* 14, præcipientis parochialem Ecclesiam conferendam esse personæ idoneæ scientia, moribus, et ætate annorum 25 inceptorum, et quoad hanc sub pœna nullitatis collationis, qui teneatur per se ipsum residere, et infra annum fieri sacerdos, alios eo elapso, hujusmodi Ecclesia privatus sit ipso jure, innovata est sess. 7. c. 3. *de reform.*

TIT. XIV.—DE ETAT. QUALIT. ET ORDINE PRÆFICIENDOR. IN CLEMENTIN.

4. Decretalis Clem. V. relata in cap. *Ut ii qui* 2, privantis voce in Capitulis cathedralis, et collegiatæ non promotum ad Subdiaconatum, sicuti et habentem beneficium, cui annexus est Ordo sacer, si cessante impedimento, post annum non fuerit ordinatus, in quo casu privatur etiam medietate distributionum, innovata est sess. 22. cap. 4. *de reform.*, addente etiam, ut per Ordinarios sub iisdem, et aliis pœnis eorundem arbitrio imponendis, cogatur quisque statutis diebus per se ipsum Ordinem exercere.

TIT. XXXI.—DE OFFICIO JUDICIS ORDINARI.

5. Decretalis Innoc. III. relata in cap. *Inter cetera* 15, præcipientis Episcopis prædicationem verbi Dei per se ipsos, et iis impeditis, per alios, quos ideo in cathedralibus et collegiatis ad hoc munus institui mandat, innovata est sess. 5. cap. 2. *de reform.*

IN SEXTO.

6. Decretalis Gregorii X relata in cap. *Ordinarii* 3, mandantis Ordinariis compellere obtinentes plura curata, aut alia incompatibilia beneficia ad exhibendam dispensationem pro eorumdem retentione, in illosque procedere, ac si nullam dispensationem haberent, si eam non ostenderit intra tempus ab ipsis constitutum, innovata est *sess. 7. cap. 5. de reform.* addente, ut interim iidem Ordinarii provideant Ecclesiæ de Vicario cum congrua assignatione fructuum ejusdem Ecclesiæ.

## LIBER SECUNDUS.

## TIT. I.—DE JUDICIIS.

7. Decretalis Innoc. III. relata in c. *Qualiter* 17, præcipientis Ecclesiæ Prælati, ut justitiam administrent laicis conquerentibus de Clericis, appellatione remota; simulque prohibentis, ne propter eorumdem Prælatorum negligentiam Clerici trahantur ad forum sæculare, innovata est *sess. 24. c. 5. de reform.*

## TIT. XXXVIII.—DE APPELLAT. IN SEXTO.

8. Decretalis Innoc. IV. relata in c. *Romana* 3, præscribens formam servandam, tam in admitendis appellationibus interpositis ad Legatos, Nuncios Apostolicos, Patriarchas, Primate, et Metropolitanos, quàm in concedendis inhibitionibus post appellationem, innovata est *sess. 22. c. 7. de reform.* sub pœna nullitatis actorum, si secus fiat.

## FINIS PRIMI TOMI.

## INDEX MATERIARUM

## PRIMI TOMI.

	Pag.
EDITORIS PRÆMIUM.	4
INDEX TITULORUM.	3
PROLEGOMENA JURIS CANONICI.	9
§. I. De natura, causis et effectibus Juris Canonici.	Ibid.
—II. De qualitatibus Juris Canonici.	12
—III. De divisione, partibus et auctoritate Juris Canonici.	13
—IV. Quæ extra corpus Juris Canonici obtineant auctoritatem Juris Pontificii.	17
—V. De principiis, antinomia et usu Juris Canonici.	21
—VI. De modo citandi et discendi Jus Canonicum.	25
Synopsis Decreti Gratiani.	25
Synopsis Decretalium.	27
De abbreviationibus.	29

## LIBER PRIMUS.

Tit. I.—De summa Trinitate et fide catholica.	30
Tit. II.—De constitutionibus.	34
§. I. De natura et divisione legis.	Ibid.
—II. De causis et effectu legis.	37
—III. De lege pœnali, et irritante.	44
—IV. De lege fundata in præsumptione et fictione juris.	49
—V. De mutatione legis.	51
—VI. De interpretatione legum.	54
Tit. III.—De rescriptis.	58
§. I. De causis rescriptorum.	59
—II. De vitiosis et invalidis rescriptis.	60
—III. De rescriptorum præsentatione, executione et expiratione.	63
Tit. IV.—De consuetudine.	65
Tit. V.—De postulatione Prælatorum.	69
Tit. VI.—De electione et electi potestate.	73
§. I. De personis eligentibus et eligendis.	74
—II. De forma et qualitate electionis.	77
—III. De intimatione et confirmatione electionis.	85
—IV. Afferuntur quædam specialia de electione Papæ, et Regularium.	85